

Oos-Kaap

Willows Kerskamp

4-6 Desember 2015



Ons Kerskamp sal beslis uitstaan as 'n hoogtepunt kamp van die jaar! Soos alle Kerskampe was dit 'n besonderse tyd van samesyn, omgee en mekaar se laste en blydschap deel! Ek is daarvan oortuig dat elke Sawanant wat hierdie kamp bygewoon het kan getuig van Jesus se liefde en teenwoordigheid gedurende die kamp.

Vrydagdaand het Deon le Roux vir ons die boekvat gedoen en daarna het almal rustig om die braaivliesvure gekuier.

Saterdagoggend het die kinders heelik pret gehad met die "spoeg en plak" en piekniek onder die tent. Hulle het pragtige kersversierings gemaak en dit was heelik om hulle handwerk te beskou die Saterdagdaand en Sondagoggend.




Saterdagdaand het ons heelik saam Kersliedjies gesing terwyl ons begelei was deur ons eie SAWA Oos-Kaap musikante! Dit was voorwaar aangenaam om te sien dat Sawanante hulle Godgegewe talente so pragtig benut. Tannie Jakkie Barnardo het vir ons 'n pragtige, praktiese kersboodskap gebring wat oud en jonk kon verstaan en geniet. Die hoogtepunt was natuurlik Kersvader wat ons kom besoek het en al die maats se geskenke kom uitdeel het!





Find us on
Facebook

2



Oos-Kaap

Willows Kerskamp

4-6 Desember 2015



Sondagoggend het ek die boekvat gedoen en ons almal daaraan herinner dat ons dikwels verby mekaar, verby ons harte en ook verby Jesus jaag. Soms het ons 'n klip nodig om ons tot stilstand te bring en die belangrike dinge in die lewe raak te sien. Ons het weer lekker saam met die begeleiding deur ons eie Sawanante gesing en kon die diens afsluit met heerlike eetgoed. Baie dankie aan elke vrou wat die heerlike eetgoed voorberei het. Julle is voorwaar staatmakers!



Andre & Samantha Ankiewicz en Johan & Ronel Gouws is amptelik voorgestel



**Johan & Jakkie Barnardo
280 streekkampe**



**Stan & Marguerite
Vermeulen—50 streek-
kampe**



Oos-Kaap Willows Kerskamp 4-6 Desember 2015



Een van die wenners van die vrugtekoek. Die vugtekoek is geskenk deur Stienie Grobler en uitgeloot. Die geld is vir Meagan Momberg gegee vir haar operasie.

Ek reken 'n hoogtepunt van hierdie kamp was die feit dat ons Sawanante mekaar se laste kon dra en by verskeie geleenthede saam hande kon vat en Jesus vertrou vir wonderwerke en volkome genesing van ons lede – veral Meagan Momberg. Ons dien 'n wonderwerkende Jesus en Hy was inderdaad ons elkeen se grootste geskenk ooit!

Mag u gedurende die Kerstyd 'n ware Christusfees ervaar en 'n pragtige, geseënde 2016 word elkeen van u toegewens!

Sawa groete,
Zelda Swanepoel

Senior Burgers


Soos die jaar einde se kant toe staan word daar in Sawa Oos-Kaap ook reëlings getref rondom die Senior burgers. Sommige nie-senior lede kamp al vanaf die Woensdag. Teen Donderdag is ons al 11 karavane. So betrek ons almal by die seniors se middag tee en almal kuier en gesels saam. Martin Deyzel doen boekvat die aand. Daarna word daar gebraai en heerlike slaeie en poeding word voorgesit vir die senior burgers. Die jaar het ons ook gevoel om die senior burgers weer te bederf waar hulle die geleenthed kry om net te kom aansit. Hulle het tot 'n voorgerig gehad terwyl daar gewag was vir die vleis om klaar gebraai te word, en grappe is vertel en daar is te lekker gelag en gekuier tot laat.





Find us on
Facebook

4



Oos-Kaap

Willows Kerskamp

4-6 Desember 2015



So is daar ook vir al die senior burgers wat die naweek kom kamp het, Saterdagmiddag elkeen 'n pakkie koekies gegee wat geskenk is deur Tjaart Snyman, Steve Lambrechts en Liana Labuschagne. Baie dankie vir jul bydrae. Baie dankie ook aan Alida wat dit die pakkies so mooi versier het.

Baie Dankie Tertia en Frans wat die braaiwerk gedoen het en Elzaan wat altyd bereid is om die fotos te neem. Tertia ook baie dankie dat jy altyd bereid is om te help en te gee waar jy kan. Ons dank ons hemelse vader vir n uitsonderlike naweek. Die Fotos vertel al.

Groete Liana Labuschagne

